

TE HEHEURAA API

I neia i te piha neneiraa a Henere, i Roto Miti i Utah, no te Ekalesia a Iesu Mesia i te Feia Mo'a i te Mau Mahana Hopea Nei, i Papeete, Tahiti, i te mau fenua Sotaiete, i te mau avae atoa. Te hoo, e piti farane i te matahiti hoe.

Nu. 5

Me, 1915

Mar. 9

“Aita outou i ite e, o te heiro outou o te Atua, e te parahi ra te Varua o te Atua i roto ia outou na? E ia haa-viivii te hoê taata i te hiero o te Atua ra, e pohe oia i te Atua; e mo'a hoi te hiero o te Atua, e taua hiero ra o outou ia.”—I Korinetia 3: 16, 17.

TE MAU HIERO I TAHITO E RA E I TEIE NEI HOI.

E na mua tatou i te feruri i te auraa o te parau “hierô.” E ere hoi taua parau e re'o Tahiti mau, no ô mai taua parau ra i te re'o Heleni e i taua re'o ra i parau hia ra e “Hierôn.”

Te auraa o taua parau ra o te hoê ia vahi i faataahia no te hoê ohipa mo'a roa.

Ua au roa ta parau “Templum” i te re'o Latina i te parau “Beth Elohim” i te re'o Hebera e te auraa mau e parahi raa ia no te Atua. E mea maitai ia haamana'o tatou i te auraa o te parau Betela (fare no te Atua) Te parau “Betela” e parau haapotohia ia no na parau “Beth Elohim.” Ta Iakoba taotoraa i reira i to'na haereraa i H-rana e i o te orama ta'na i ite i reira na parau mai ra oia “E riro tei ô nei Iehova, e aore hoi au i ite” e ua mui ai oia i te i'oa ra o Betela.

I hatuhia ite tau tahito e i teie nei tau atoa hoi te tahi mau fare i parauhia e mau hiero. Te tahi pae o taua mau fare ra i faatiahia e te feia haamori idolo e te tahi pae e te feia o te haamori i te Atua mau ra. Ua mana'ohia, o te mau heiro o te feia etene e mau parahiraa mau ia o to ratou mau atua o tei haamairihia to ratou mau i'oa i nia i te fare ra. Ua ravehia te mau piha haati o taua mau fare ra ei mau piha no te haamoriraa e te feia noa, e vai râ te tahi vahi mo'a roa ra e aore te hoê taata e tomo o roto ra maoti râ te mau tahua i faatahinuhia ra.

I roto i te mau heiro o te mau Pagana aita te fata i tuuhia i roto mau i te fare i rapae rii au hoi i te pae mua o te fare. Aita hoi te hiero i mana'ohia ei vahi haamoriraa no te feia noa, no te mau athu'a râ i faataahia no taua ohipa ra.

E feia patu hiero o te mau tamarii a Iseraela e ua titauhia taua ohipa ra e Iehova, o ta ratou i haamori ra.

I tai'ohia ra te tuatapaparaa parau a Iseraela mai to ratou faarueraa i te fenua ra Aiphiti. I roto i te tau tene-tere i noho ai taua feia ra i Aiphiti ua riro ratou ei nunaa rahi roa, noa'tu râ to ratou rahi ra i vai tîti noa ra ratou. I roto râ i te tau mau a te Fatu ua faaroo mai oia i te ratou mau otoraa e te ratou mau pure e ua faatoro atu i ta'na rima mena e ua faaaratai ia ratou mai roto atu i Aiphiti. Ia ora'i ratou i to ratou tîtiraa ei reira ua titau te Fatu i te hoê ohipa no ratou. Oia hoi ia hamani ratou i te hoê vahi e tia ia Iehova e faaite ia'na iho e i tana mana hoi. E tai'o tatou i ta te Fatu i faaue mai.

“Ua parau maira Iehova ia Mose, na ô maira, E parau atu oe i te tamarii a Iseraela e rave ratou i te ô no'u. Ta te taata atoa ia horoa noa mai ta'na ma te aaui atoa ra, ta outou ia e rave ei ô no'u Teie te ô ta outou e rave ia ratou ra; te auro, e te ario, e te veo; e te ahu ereere tape moana, e te uraura, e te utente, e te vavai, e te huruhuru puaaniho;

e te iri mamoe oni rapaau-uteute-hia ra, e te iri tekesa, e te raau ra e sitima; e te mori no te lamepa; e te raau no'ano'a no te mono'i tahinu ra; e no te tusia no'ano'a ra; e te ofai sema, e te mau ofai e tuu i roto i te tiputa, e i roto atoa i te tapoi ouma E hamani hoi ratou i te tahi vahi mo'a no'u, ia parahi au i roto ia rotou. Mai te huru o te sekene, e te huru o to'na atoa ra mau mea, ta'u i faaite ia oe, e na reira outou i te hamani." Exodo 25: 1-9.

Aita hoi i faaite papu-roa-hia i roto i te Bibilia; e tia noa râ ia mana'o e ua fatia te mau Tamarii a Iseraela, a parahi ai ratou i Aiphiti, i te tahi fare mo'a roa, e e tia atoa ia mana'o e, noa'tu te rû roa o te ratou reva-raa'tu, ua hopoi atu ratou i te tahi mau mea faufua rahi e te mo'a roa no taua fare ra.

Te tai'o nei tatou i roto i te Bibilia hou te Sekene i hamanihia, e i te haamataraa hoi o to ratou tere i roto i te medebara, e vairaa to ratou no to ratou mau mea mo'a, ua parahia taua vairaa ra ei "Testimony" Na te Porositani i iriti i taua parau ra "Testimony" ei "ture," e na te Katolika i iriti i te reira ei "sekene," aita ra te sekene i hamanihia ra i reira.

Ua faaue mai te Atua ia faaîhia te hoê farii i te mânia ia ore i moehia te maitai rahi o te Atua e i te maa hoi ta ratou i amu a parahi ai rotou i roto i te medebara.

Tere mai te tai'oraa o taua na irava ra:

"Ua parau atura Mose: Teie te parau ta te Fatu i faaue mai: E faaî i te hoe omera i taua maâ nei, e vaiiho e te noa'tu i to outou mau ui atoa ra, ia ite ratou i te pane ta'u i faaamu atu ia outou i te medebara, ia'u i aratai mai ia outou, mai te fenua o Aiphiti maira.

Ua parau a'era Mose ia Aarona: A rave i te hoê farii, a tuu i te maâ mana ia au te faito i te omera hoê, a vaiiho atu i maa i te aro o te Fatu ia vai noa e hope roa'tu te mau ui atoa ra,

HISTORIAN'S OFFICE

Church of Jesus Christ of Latter-day Saints

47 East South Temple St.

Mai ta te Fatu i faaue mai ia Mose ra. Ua tuu ihora Aarona i te reira i roto i te sekene, ia vai noa ra."

Exodo 16: 32 34, Bibiria Katolika.

E tia roa ia mana'o e o teie nei "Testimony" e aore râ Sekene (iritiraa Katolika) e aore râ ture (iritiraa Porosetani) e fare ia e aore râ te tahi huru puhapa mau ia. E no te orera ao te parau i roto i te Bibilia i te faaiteraa mai i te hamaniraa o taua ihora fare ra a tere ai ratou roto i to medebara e tia roa ia mana'o tatou e, i afaihia mui ia taua fare ra, mai Aiphiti mai.

E tuatihia teie parau.



Taurairaa i te maa no te tumu Cocoa.

O TE EKALESIA RA O TE HIERO IA O TE ATUA.

Te na ô mai nei o Paulo e,

“Aita outou i ite e, o te heiro outou o te Atua, e te parahi ra te Varua o te Atua i roto ia outou na? E ia haaviivii te hoê taata i te hiero o te Atua ra, e pohe oia i te Atua; e mo’a hoi te hiero o te Atua, e taua hiero ra o outou ia.”—I Korinetia 3: 16, 17.

Te tatarara nei te tahi pae taata i taua parau ra i te na ô ra e; “Ia rave te hoê taata Ekalesia i te hara ra, e pohe oia i te Atua no te mea e hiero oia no te Atua.” E ere anei te reira i te tatararaa huru ê mau? E, e tatararaa huru ê mau ia, teie te mea e huru ê ai. Ua rave te hiero i te hara, e ua vavahi te Atua i taua hiero ra. Eiaha râ ia oia parahi ai. Eiaha vau e faahapa ta’ue noa i taua mau tatararaa ra, na outou râ ia vahi e hi’o atu.

E tuu atu ra vau i te vahi ta’u e ite nei, e na outou atoa ia te huru, 1. Te vai noa ra te hiero i tona vairaa, ia afai atu râ te hoê taata i te hoê mea ino, ei haaviivii i taua hiero ra, na te Atua e haapohe ia’na, no te mea e mo’a to taua hiero ra. 2. Te parahi noa ra te hoê taata faaroo i te Atua, (ua riro oia ei hiero no te Atua) Ia haere râ te hoê taata e faaino ia’na, na te Atua e haapohe i taua taata ra.

TWO—TE HEH API

O vai ta tatou i ite i roto i te Bibilia? O te tamarii a Isaraela ia i te faainoraa ia Mote. O na tamarii e maha ahuru ma piti ia, i te faainoraa ia Elitaia; O Iuda ia i te haavareraa i te Mesia; e o Ananaia ma ia i te haavareraa i te mau Aposetolo.


O vai ta tatou i ite i to tatou iho nei anotau? O Terava no Tetamanu, i te mairiraa i te ioa o Tamarona i nia i to’na puaa maohi. Raumati ia no Temarie i Anaa, i te faainoraa i te Ekalesia i te Mahana Sabati. O Tehaere Reka ia i te faainoraa ia Biritama, o Tivan Takerā (Douglass) i te

faainoraa i te Ekalesia i Utaha. Ua riro i teie nei mau mea ei faaiteraa papui te mo'araa mau no te hiero o te Atua, e te maitai no te feia faaroo.

I papai au i teie nei parau no te feia i uiui ra e, Te hea te Ekalesia mau, e te hea te feia faaroo mau, tei riro ei parahiraa no te Varua o te Atua. Ua riro teie ei re'o, ei faaiteraa'tu ia oe e, o te Ekalesia a Iesu Mesia i te Feia Mo'a i te Mau Mahana Nei o te Ekalesia mau ia. Tei reira te feia faaroo a haere tia oe ia ratou ra.

—Toae a Marie.

—o—



E ohipa rahi teie e te manuia i o i Samoa ma.

TE MAU PARAU API.

o

Ua oti e na te vea no Me e Tiunu i te nenei-hia, ei reira ua tae mai ra te hoe faaue no te Tavana Rahi i Papeete, eiaha e nenei faahou i te parau api no te Tama'i i Europa. Te auraro maite te Heheuraa Api i te hinaaro no te Tavana. Ua nenei-faahou-hia te vea e aore e parau api tama'i o roto ra. Eiaha te mau hoa o te Heheuraa Api e inoino mai.

o

I roto i te hoê a'oraa na te taata tuiroo i Baretane o David Lloyd-George, i parau mai oia e, "O te ava o te enemi rahi roa ïa no Baretane. Ua hau te inuraa i te ava i te ino i te mau pahi hopu Purutia atoa. Ua arue oia i Farani no te opani i te hooroa i te apitati (absinthe) Ua opani atoa o Rutia i te ava i te hoo-raa-hia.

o

Te pai'a noa nei te pae mou'a i roto i te tâpûraa i Panama. Ua riro taua mau pai'araa o te fenua e ohipa rahi no te Hau Amarika Amui.

Te vai ra te hoê tapao tana maitai ia fatata mai te hoê pahi hopu oia hoi, e haaputu mai te mau manu e parahi i tua i te vahi hoê. Mai te mau manu i faaite mai te auhopu e te aahi i tua, i na reira te mau manu i te faaite mai i te pahi hopu i raro rii ae i te miti. Te mana'o paha nei ratou e tahora pohe ia.

Oia atoa e ravea maitai ia iteahia te mau topito e aore râ (bomb) i tutauhia hia i te miti, ia tonohia'tu te pahi reva e iimi haere e mea papu maitai te mau mea i te miti no nia roa mai.

—o—

Te tamata noa ra te Hau Amerika e umi mai i nia te pahi hopu o "F-4" o tei parano i ò i Oyaihii. Ua imi noa te mau taata i taua pahi ra e ua tavere ratou i te mau fifi auri e te mau tutau e te mau taura niuniu e i te hopea ua iteahia te vairaa o taua pahi ra. E maha umi te hohonu o te miti i te vairaa o taua pahi, e ua hopu te tahi na taata i raro e te tauturu nei raua i te haamauraa i te mau taura i raro a'e i te pahi e tia ia hutihia mai i nia. Te rave nei raua i te opupu i te raua ohipa e ua haafifihia te taura mata'i no te tahi oraua e ua tapeahia ona i raro e maha hora. Ia matara te taura ua huti maite noa ratou ia'na ia ore e pohe. E mea teiaha roa te miti i raro roa.

Toae a Maere, Faaau Parau,

Rue Dumont d'Urville, Orovini, Papeete, Tahiti.

Frank J. Fullmer, Imprimeur,

2532 Seventh East Street, Salt Lake City, Utah, U. S. A.